

小重山房詩詞全集

余十齡卽受詩律於先大夫間爲長短句性頗耽之以帖括之爲不能數數及也而述葦姬傳兩先生亟見嘉歎入都以後所得漸多是時劉丈芙初畢君子筠頗繩尺聲律顧喜稱余詞如兩先生言噫詞勝詩耶詩勝詞耶皆不足自信也戊戌長夏校刊先集旣蒞事乃取友人刪定本得詩十卷附以詞二卷詩存十之四詞存十之三付之梓人俟論者糾正焉祥河自敘

詩船詞錄卷一

華亭 張祥河 元卿

木蘭花慢

置舟小池泝洞荇藻間碧淨秋澄清淺
可喜客曰是真詩船也遂以此二字假
之

愛青萍作芻風半約小池圓著一箇詩船兩枝
畫槳幾折橋偏采蓮五湖晚唱喚鷓鴣清夢落
誰邊夢逐潮聲遠去釣絲我意纏綿 澄鮮還

洗鏡中天峯影自娟娟記那回同載零星茶竈
共客吹烟悠然不驚細浪但船頭呼月照人便
踐卻鱸魚舊約好秋紅樹今年

憶舊游

認松釵溜碧蘚印拋青小掩林扉不奈慳慳畫
奈傷春刻意花韻都非斷魂貼將雙螭肯化朶
雲飛只膩粉闌干垂楊搭上和雨淒迷情癡
慵攬鏡指燕樣伴嬌環樣論肥未了閒愁思倩
羅裙兜起交與封姨數峯又還清苦長水語兒

溪待熨盡眉痕初三夜月同載歸

金縷曲

題黃仲則悔存詞後卽用集中韻

我醉悲歌放哭青楓猿啼昌谷秋墳相望愁共
落紅流到海海水將愁比量但孤燕歸來惆悵
明月江南情絕地算梅花合殉詩人葬香不死
夜魂蕩半生意氣凌霄上賦金荃少存壯悔
幾多情況碧血千年終化土留得狂名無恙愴
風雨當時門巷紫府而今聽按曲碎珊瑚十丈

雲羅帳吹竹裂七星響

念奴嬌

池蓮葉而不華水佩風裳亦足元對

片雲不墮簇輕鱗飛作溪邊涼雨高館得來秋
氣早聽入菰蒲深處瘦蝶尋陰老魚吹沫鷺濯
雛褰羽澄波天鏡斷烟移掛芳樹 幾度看褪
紅衣沙明渚淺誰喚蘭橈去怪底亭亭開晚
留伴金風無主酒碧裁筍茗香浥露大好銷煩
暑西峯林罇翠鬢新沐如許

鎖窗寒

夜雨不止憶園東花事將闌用玉田韻
一燭搖紅孤吟隱几倦來慵凭風簾夜夜月黑
了無清影更何堪敲窗雨深逼人未耐單衣冷
只丁耽聽取宵長漏短一聲聲盡 琴潤幽篁
徑好韻奏金徽香溫寶鼎東鄰酒事早又闌珊
花信惱天公愁霖暗催計團近局還自等試占
時蠟穗烟高放晴明日穩

菩薩蠻

溶溶睡鴨池塘碧垂楊一帶和愁織挽就翠雲
毬飛花何日休 游絲風力小風定絲還裊教
學海棠顛紅橋春可憐

洞仙歌

爲黃硯北題素舫小影卽送其之官山
右

拋殘蝶夢正嬌鶯啼起悄向東風等閒倚對花
枝如玉人面如花渾不分春在帕羅香底 飛
鳧縈別思黃九詞工寫上烏絲語猶綺唱與古

旗亭拍徧玲瓏有一曲闌干十二莫是證蘭因
渺天涯算影裏前身絮泥誰記

貂裘換酒

硯北填詞圖

紙閣留香久夜沈沈歌翻宛轉催餘銅斗醉拂
珊瑚齊擊節酒綠鐙紅時候應唱徹伊人檀口
豔冶消磨頻客裏豈輸他修史圍紅袖君自比
曉風柳年來我亦傷春瘦洗絲桐評量樂部
幾回搔首惹起江南花落恨不嫁娉婷空負聽

羌笛樓中吹又檀板金尊誰與共但何緣閒卻
填詞手愁把盞月當牖

摸魚子

改七薌團扇小影

甚年年翦納罽絹無聲詩恣題橐尋常行路葫
蘆樣白眼寫來多少團扇小定悟徹前身明月
懷中抱風流絕倒問褰鄂凌烟尹邢對鏡此意
共綿渺春愁醒鸞尾白雲乍埽麻姑輸與仙
爪近爲余作仙子埽雲圖瑤壇露淨祛塵想領取筆端神

妙秋信早，儘瘦向吟邊。恰有團樂好，冰壺玉照。
七薊自號玉壺山人更，蛛網頻除。蟬香細，熱蟬翼一痕單。

浣溪沙

小重山房圖題者殆徧，秋日得一二交，
好書詢及園居風景，將以此圖寄之，展
閱舊所爲小重山令四解，意有未盡，爲
補三闕於後。

淨掃蛛塵，四壁空小屏。山疊石玲瓏，背山三面
水如弓。午枕倦聽菰葉雨，曉關寒耐柘枝風。

碧惜惜地藥鑪紅

香稻連畦翠穗扶水邊鄉味話尊菰白雲深處
鴈來無 轆釜鄰家知飯罷提壺侍史報花初
已涼天雨忽疏疏

水鳥飛來不用招臥浮圖影曲塘坳過江通得
海門潮 爲約星萍開碧鏡自刪風竹作輕篙
一秋詩境小紅橋

又

賦白秋海棠

涼夢如烟傍夕昏
花開玉女洗頭盆
極伶仃影最銷魂
月地鳴蛩聲咽咽
風簾搖燭淚痕痕
分無嬌嬈與溫存

鷓鴣天

商略飛花劔壁陰
眞珠櫳裏漆鳴琴
劉郎不自修花譜
孤負啼春有翠禽
雲漠漠
月沈沈
瘦桐灰卻野蠶心
拚嬌困
酒年來
慣落靨
東風冷
見尋

臨江仙

十丈游絲春世界情波泝與春江棣棠花發滿
河梁嬉春偏解笑對舞閒山香 鏡月亭空空
是色枯禪一悟空王芙蓉塘外有紅牆勞伊紅
豆子顆顆打鶯鶯

出岫閒雲干甚事柯邊趣問殘碁無烟冷燭綺
窗西花枝餘蝶戀粉印褪羅衣 憶自歌翻紅
芍藥東南孔雀分飛斷虹橫水柳陰低拏舟來
訪玉一路畫眉曉

月地雲階何處是盈盈著此明妝朱闌扶出鬱

金堂那曾拋錦瑟錦瑟似人長 不省秋衣同
病蜨嬾將肥瘦評量歸時教製芰荷裳春星纔
撇箏潤與口脂香

又

夢中得句足成之

千古華胥開夢境瑤臺是處玲瓏有無雞犬白
雲中山香薰萬蝶澗雪飲雙虹 一碧灣頭瓜
蔓水舟行那辨西東衝愁杯小酒鱗紅春蘿能
擺月野絮自隨風

信州府志卷之九
慶宮春

出廣渠門游金氏園歸柬徐少鶴李芝

齡丈

編槿籬疏結茅亭小此間勝宇初闢無地尋詩
停車欲問鳥聲知喚過客灣頭虹斷蕩孤艇微
波自碧關心重到如許溪山故鄉迢隔好時
嫩約難憑解道封姨柳絲工擘殘紅飛杏生香
不著寂寞梨花寒食酒醒春老又還是青帘向
夕而今何事招我閒鷗泥人脈脈

角招

送熊見甫歸商城

判吟袖東風翦翦春陰一碧如繡
帝鄉同客
久惜別幾人堪此尊酒江南夢又儘遲我羈愁
消瘦極目鞭絲天末只輸與萬千條送歸程烟
柳回首譜蘭訂舊焦桐感髮那是霓裳奏聽
歌聊復偶說與燈紅更闌時候銷魂賦就賸浣
了緇塵三斗後約橫溪翠岫料應結竹邊樓花
間牖

虞美人

法源寺柬王子卿丈曹玉水

尋幽重訪招提境我與僧俱靜
畫闌環護翠重重打破春陰花外一聲鐘
芳颺無力纏莎碧怕見韓陵石韶華容易去
堂堂真悔來遲開過

紫丁香

蘇靈芝寶塔頌采師倫舍利塔記二碑尙存

湘月

庚午冬杪余將北行七籜以余自署詩
舫繪圖爲別忽忽兩載摻篋展卷視同

影池之臨心有虛船之觸矣

牽船可住甚吟身不繫還滯歸棹柳水波長正
憶我坐向天邊春好劃鏡雲開將花潮上夾岸
多芳草翠篷凝倚遠山對客能笑誰解洗淨
塵襟停漁柳外唱絲絲風曉半翦吳淞待寄與
何處烟帆沙鳥夢逐磯温愁催篋暮極望生綿
渺紅衣雙槳幾時又趁斜照

八歸

寄內

洗塵雨歇吹薰風起庭院淨綠初埽春歸不帶
羈愁去還憶小園花滿小簾香悄亞字闌邊人
獨倚定打就相思新稟待寫與睂樣彎環涼月
上來早長聽聲聲杜宇征衣卸得便擬青山
看飽酒闌吟倦夢移天遠爭向長安西笑儘將
花暗數數卻愁心更多少儂今約墨池磯畔掛
了詩筒垂竿閒坐釣

南浦

寄懷劉芙初丈毘陵卽次留別韻

經年送客盼停雲，樹樹碧陰圓。
問訊蘭陵詩意，題徧酒家天。
好句過江飛去，算風流當日杜樊川。
聽數聲津鼓一聲羌笛，華髮感蕭然。
不省歸程，滯我軟紅飛三尺，舊塵緣。
惆悵玉鴉叉畔，薜荔月空懸。
猶記那回離緒，曳孤吟，嘶斷別枝。
蟬指片帆南下，訪君秋水鶴看船。

揚州慢

辛未七夕嘗爲二斷句云昆明池上片
雲歸獨立蒼茫水四圍但有明河相憶

處遙知今夕拜星妃如何錦纜更牙檣
風葉菰蒲得遠香三十六陂秋似夢誰
呼三十六鷺鷥驕懷匆促積如陵阜池
水自碧秋來若尋感昔念今醉吟成調
雲巧裁纖月闌勾暈一痕秋最分明問斜河舊
約脈脈夜潮生怎如練銀波瀉去客槎千里還
傍瑤京但沙邊烟外菰蘆添作詩聲 甚時伴
侶道飄蕭野鵲須驚指碧海情多金隄水長花
葳斯盟放眼大光明裏家何處四壁香清念人

間瓜果宵來鐙爲誰青

卜算子

出德勝門沿隄過雨輕塵不飛新綠在
樹澹以夕照縱轡叢薄間極瀟爽之致
縱馬去何之獨自鞭絲颺狼籍秋陰滴晚涼幾
點輕衫上何處遠香歸隄畔么禽唱碧受風
斜不見花蔽蔽枯荷響

沙白淨於銀潤徧青青草過雨何須潑水來官
路垂楊埽暮色轉冥冥多恐西風早亦有松

閒解帶人數騎尋秋到

憶舊游

過兗州感懷王善香觀察

記飛輪積雪襟被狂沙臘尾春前暫息勞生夢
向南樓縱目官燭分烟小梅暗催吟思幾夕賞
花筵嘆宦海名場光陰一霎彈指聲邊 寥天
感懷處見古堞藏雅衰柳迎鞭拂拭征衣舊寫
州門新恨無限留連惱人更誰證下秋雨雜鷗
絃只獨起題詩荒雞旅店寒未眠

甘州

渡河憶已巳夏南歸值午節競渡

卸征鞍一席掛長風河水拍秋高望鸞環似帶
東南巨壑勢障雄濤同是客星今古天上瀛源
遙直導崑崙下大海滔滔回首中流簫鼓駕
龍飛彩楫電迅雲驕嘆侵尋時序游記墨徒勞
向滄浪燕來鴻去動晚風容易荻花梢長隄畔
明年明月照我停橈

虞美人

言月言金身
枕上聞風水聲推篷視之已達京口

吹來萬斛濤聲沸恰趁江風利夢中渾不辨行
船醒覺船輕簸浪輒於綿濛濛溼霧推篷裏
半餉帆收矣日高天鏡洗青銅回望三山浮動
有無中

清平樂

朱茱堂駕部畫紅梅一枝見寄

南枝春半誰信寒猶淺還向隴頭尋夢見夜雪
江南未滿盈盈紫萼相思一屏疏影香遲疑

是玉妃新嫁東君親爲調脂

浣溪沙

鐙下集詩牌字

百褶裙拖六幅斜阿瓊扶下七香車城中高髻
是誰家 燒蠟不緣呼絳樹銷金何事問蓮花
玉絲三尺話天涯

偷質微波隔綺筵去時紅笑藥闌邊解人退步
小游仙 墜夢留芸嬌倚蜨娟痕洗黛嬾拋蟬
盟鐙無語已經年

雨怯梨雲不肯飛，小憐呵蕊有情癡。東風吹過石塘西，
鈿盒緘愁香叩叩舞衫減，抱綠絲絲背花千萬莫嬌啼。

白冷封階夜月清，枕函誰伴石三生。龍宮秋色割難成，
極浦吳波愁浣紵，隔樓秦柱促搗箏。六朝金粉別離情。

高陽臺

沈疴雲司馬屬題雙蘭圖并示寒食紀夢之刻次江鐵君韻

冷豔扶妝媿痕破夢名花端識前身寫入鴛絲
西樓化作行雲開匳對影成雙照碧亭空一鏡
涵春儘芳魂結佩湘臯託取靈根 年年花事
傷寒食只緘愁萬疊展抱無因露眼頻看駢枝
墨色還新枝了縮就丁香叩墜幽歡雨漬烟分
恁鑪熏祝向藤蕪瘦損休文

夢橫塘

顧荻洲先生製蘆筆極雅潤輕便

翦青抽管織絮添毫幾枝風力猶勁小潤分攜

寫不盡江湖秋影麟角嗤工鼠須慚雅別成新
穎認湘筠削處五色絲纏花牋浣臨池稱分
明似水輕寒又梢梢筆意紙上堪聽郭索前塵
爭換了春蠶聲迸不宜畫妝樓遠黛只合篷窗
弄低暝後夜吟鐙爲君清諷想烟荒波冷

甘州

姚一如方伯丈秋山睹墅圖

算歸雲劍外戀家山未遂百年心布韜鈴掌上
西南地勢指顧縱橫短刼爛柯山下萬淚滴蒼

生遺象凌烟在帶緩裘輕 誰料籌邊奇氣野
狐威頓輯虎帳風清任爭先黑白患難故人情
怎推枰收將殘子付他時當局憶良平松陰晚
掩關人散何處秋聲

聲聲慢

虎邱

林深隱塔水靜明樓遙山夕照紅邊霸業銷沈
沙草盡帶寒烟芳春冶游何許但鶯花依舊年
年空悵望向真娘墓上短簿祠前 一自塵空

晉苑換佛龕香火結與因緣消古今愁分付酒
國詩天玉笙不教吹徹怕零脂飄滿闌干人影
遠泛清波都是畫船

法曲獻仙音

癸酉春於王澹淵所聽姜生琵琶澹淵
擊節志以詩余愛之以匆促未果和他
曰借諸子過酒生在坐復以詞請遂成
此解往余於寓鶴廬聽俞五琵琶如夢
前塵已經九白俞君國工也故附著於

篇

花笑春山鴈唳秋水未許游塵飛到新曲誰翻
舊聲堪記冰絲最宜寒峭正一洗胡沙怨那須
更長嘯 解音少付詞人據鞍殘夢重喚起清
夜醉吟成調酒淺不勝愁儘將愁分與銀爪野
屋蕭蕭問吹香何處風早但臨風移譜自昔崑
崙傾倒

念奴嬌

吳門得澹淵書知復有宣城之行明當

返棹與話別泖上先之以詞

薄游倦矣算扁舟合傍湖山佳處三十六鱗紅
策策怕寄天涯鷗侶酒賸豪吟花餘英氣難繫
春長駐一春情味故人舊雨今雨 聞道料檢
行滕提攜席帽江北看山去謝守不生梅老死
用楊誠齋詩句海內風煙誰主宛水迢迢敬亭藹藹斜
照紛無數爲君懷古定添多少詩句

詩舫詞錄卷一終

金山錢銘江重校

詩船詞錄卷二

華亭 張祥河 元卿

水龍吟

移稚竹數叢種之齋前挹其娟秀

擔來一束腰支瘦好是雛鬟初買蘿寒倚袖筠
低牽幔蕭疏意態舊憶青鸞那回曾見綠陰還
待只留春誰識玲瓏个个相思字闌干外 卻
笑攜鋤種罷又須防徑深花礙好風咒取扶持
影底湖山宛在說甚吟懷十年聽雨略無聊賴

賴多情報與平安夢到碧紗清簾

惜紅衣

甲戌之夏積雨初霽同人觀荷出西郊
歸途復登天香樓解衣槃礴不復能已
因憶年時客海淀自夏涉秋蹠蹠來往
每爲此花所困輒拈是解并寓羈懷

遠堞籠烟荒隄積潦漸生空碧鏡洗奩開芙蓉
弄晴色吹香秀句重繫取鞭絲無力誰惜娟水
美人付銷魂追憶 溪樓小隔呼酒當爐遙山

占芳席將花作主應識凭闌客寂寂兩三鴛侶
好夢幾時圓得恁晚潮聽說江上佩環消息

虞美人

雨後月色倍皎

宵吟蠟穗雙雙擘桂影移簾額碧天雨洗露華
涼自起開簾庭院草生香 盈盈脈脈看何限
妝鏡堆雲嬾春前相憶玉闌知惟有秋心還是
絮蛩時

雪梅香

課梅味雪圖

怎岑寂柴荆望望水雲重問生涯何許年來一
例疏慵但省攜鋤野橋外儘教嚼蠟世途中歲
寒意浪付癡塵吹散天公 幽蹤想春曉別後
西湖正是愁儂澹到無言色香觸法偏工新贈
誰傳折枝句淺斟那識煮茶風相思恨難蠲渴
疾空冷雕蟲

憶舊游

聽冰絃夏雨鈿管拋星小院迎涼鏡樣西湖月

恁銷魂捧去高照紅妝好花酒邊催放一曲杜
韋娘更解事微風吹將膩粉花也輸香 悠揚
低度處祗巧弄調唇圓轉調吭要共春鶯語問
相思無據聲總諧雙唾壺幾回敲徹殘夜暗迴
腸指局冷枰閒天涯野絮還自忙

解連環

翦鐙遙夕問流黃刷罷幾番催織爲捧心消瘦
年年夜涼怨秋河一牆紅隔眼角情濃更羞倚
曲屏風側道花時不見撲蠅重尋頓怯風力

西樓向誰弄箏歎更闌月好何事輕擲恁醉後
褪了燕支有雙袖黏來者般狼籍鬢臂痕深又
指與些兒可識只難把此愁打疊繡裙百褶

又

畫簾花午記嬌癡攬鏡未成眉嫵但有情卻怨
芳春笑輕咽歌喉要瞞鸚鵡小問儂名爲郎撥
琵琶絃數甚年時學得銀甲纖纖背地曾譜
弓弓聽伊細步訝朦朧不辨三里香霧問再見
紅頰添潮更勝卻環肥鬢雲低俯燭炮筵闌最

怯是較量酒戶念惟有帳紗月煖麝熏自度

驀山溪

極樂寺僧言入夏來辨色蚤起於萬綠
陰中聽百鳥調舌輒有塵外之想

一林深碧數里尋香積入門徑通幽只斜照花
陰寂寂鑿池注水環繞小亭空翻玉虹去聲動涼

雲洗我題詩筆心隨境遠此樂真何極世外
契琴言便茶罷風清兩腋翠禽幽哢誰解證聞
根夜迷漫聽晨鐘定裏應相憶

綺羅香

玉壺山人爲余作美人拜月圖數年矣
攜之行篋再付裝池漫題此闕

桂影輪圓湘紋几淨殘夜更籌初轉好事天邊
蕩地淒涼難遣怪雲意薄似郎癡道明月還如
儂面恁揀取心字香燒臨風未許綵絲翦 蛾
睂舊恨常斂猶記拾花階下拋殘金鈿著箇朱
闌扶住輕盈嬌嬾便僕指幾度團欒祇瞥眼辰
移星換又誰知裙衩芙蓉繡痕沾碧蘚

滿庭芳

隄柳銷金江楓攢錦瞥眼易感秋光箇儂愁思
潦倒幾名場不放春花鬪豔爭共惜移種河陽
花無那相看脈脈消息問東皇 蒼涼重記省
蛾鐙蝶枕說向津梁只聽殘更漏直恁宵長還
是豪吟做甚游縱倦未受詩降燕雲外題緘遠
寄新鴈兩三行

又

老牆根訪蔗山園看菊贈主人

籬角黃疏牆根秋老好句覓向誰邊石湖新譜
花發范邨前霜色偏饒爛漫都埽卻荒徑寒烟
君知否提壺健者供養已經年 經年閒裏過
多情夜雨白髮三千便家無山住境亦神仙我
欲狂歌置酒拚一醉舞蔗當筵歸來後鐙青月
白殘夢故鄉天

浣溪沙

袁江買櫂南下率成此解

秋雨秋風可奈何年來詩思託漁歌今宵眞箇

夢烟波 日落深林鞭影亂苔荒高岸絳痕多
匆匆何似莫經過

又

掛席洪湖口占此解示王澹淵顧荃士
彌望洪湖接濁流甚時牢固壞隄修人家牀腳
繫輕舟 海若呼風來颯颯天吳騎浪去悠悠
舉杯同洗一天愁

高陽臺

顧羽素女史綠梅影樓填詞圖羽素爲

無錫顧澗塘孝廉之妹

拂水安絃邀雲卷
幔吹來玉笛無聲攀摘高寒
妝樓一帶香橫春風詞筆垂垂古有簪花格自
天成夜蟾明不信仙居不傍瑤京 頻呵冷蕊
愁何許但清依韻寫瘦共詩評倚徧筠枝迴關
直恁心盟臣才不及應漸左算閨中賦茗還能
余妹玉舜 瀕先詞學記曾經飛雪江南夢繞山青

揚州慢

丁丑中秋維揚舟次送澹淵之宣城荃

士歸柳上余因事少留臨歧各有黯然
之色酒半取白石自度曲並用其韻以
寫別懷

謁岱東來渡河南下掛帆共數歸程望秋山不
見莽莽隔遙青夕陽外江潮遠去酒邊愁陣誰
出奇兵漸分飛征雁孤舟今夜蕪城 客中送
客算匆匆時序須驚指宛水波長吳淞夢近難
遣離情百歲幾回圓月笙歌起和我詩聲更清
暉天末疏星鑑傍寒生

又

與趙斗垣吉士泛舟湖上是夕被酒復
偕入城踏月

烟暝歸鴉月斜驚鵲拍天水接高秋捧金盤一
醉更埽盡閒愁認湖畔彎彎細路再來尋篋無
數紅樓恁衣香吹下金風都在簾鉤 廣陵古
怨聽荒涼箏瑟誰搦縱粉淚銷餘鶯聲咽暮淮
水西流已是滿隄衰柳腰支瘦尙學輕柔歎年
年飛絮何時纔與春休

鷓鴣天

戊寅送春日同姊栽雲妹玉舜拈此

佳夢還宜去後尋
中年長共故園心
離騷讀罷
真無奈
香草茸茸綠髮侵
紅藥畔紫藤陰
餞
春春不敵愁
深分題句好兒拈
韻話舊杯闌
婢
典斟

西子妝慢

賦桐鄉潘園李子

玉蟄沈寒金丸摘
豔帶得桐溪烟雨爪痕還說

認西施記仙根別栽何處名園舊主又那問間
居情緒翠籠開祇水荷包卻勻圓如許銷煩
暑雪藕涼初顆顆瓊漿貯笑拈纖核打鴛鴦傍
相思語兒鄉住濃陰幾樹指前度乘潮來去恁
堆盤一碧玲瓏細譜

綺羅香

玉壺山人乞題少年聽雨圖久負前諾
頃書來許爲填詞圖送余北行殆寓以
畫易詞之意玉壺卽不此之易余終當

爲之一唱江南所感略同耳

又惹紅情頻搔綠髮一夜春聲催起寂歷淒清
憶到下簾風細羅帳外漏滴沈寒寶匳畔粉香
添膩怎釵頭燭燼敲殘那人愁思更何底西
園歌舞乍歇拋得秋千易冷影迷濛裏吟徧唬
鶯溼上幾痕苔紙誰送卻飛絮時光只費盡惜
花心計最相望隔著天涯遠山青擁髻

探春慢

獨游極樂寺見海棠已殘

花爛當春人閒似我招尋獨在芳徑頗繞溪流
便離塵壒到眼一泓明淨看竹看桃杏又看到
海棠紅賸賸將幾曲愁心鞭轡同裊金井莫
是么禽喚起教如睡香魂枝上催醒宿雨闌低
曉陰籬短次第欲斜還整惻惻輕寒意渾不耐
蜨衣飄影細數韶光封姨何事吹繁

憶舊游

歎啼鶯樹改吠犬籬荒花事都非恐是桃源境
笑者回癡煞心緒關伊一角袖羅紅畔點點口

脂肥指乳燕簾空拋餘妝鏡曾照雙棲
淒迷記前度祇病爲誰慵損了腰支
蕭見纔勻面道黃金何物難鑄相思
不道粉香吹散涼雨一絲絲怎負卻
芳春遠山愁恨眉樣低

聲聲慢

編籬簇樹篆徑通花陰陰但覺新涼
受得風多況又水淨荷香暮蟬幾回
咽處掛殘聲都在垂楊如此境問如
何不住負了鷗鄉卻憶鷗邊雨過載
茶鑪酒具小小沙棠略似浮家烟景
半

入蒼茫誰教畫師寫出寫斜波還寫斜陽亭一角映莓苔猶自未荒

祝英臺近

暝雲低涼雨驟碧落掛龍尾颯颯吹來琴上海濤沸不知深院通潮一灣流出猶浸到亞闌花底正吟倚溪童貰酒纔歸洗盞綠浮蟻淺酌高歌都爲遣愁計是誰下了湘簾早開新霽又聽取暮蟬嘶起

甘州

約客積水潭觀荷

傍長隄萬蓋綠生烟清絕已涼天記壺盧入市
招人共醉我亦能仙見說紅情詞裏旖旎又今
年一覺閒鷗夢鰕菜亭邊無恙釣絲何許看
城霞倒景澗雪噴泉只花香四壁風外一樓偏
話江南采蓮雙袖唱斜陽低映臉波妍吹簫感
暮潮生處那便登船

又

向蘼蕪同話去年秋香草半含愁悵西風易暮

箏拋別院笛咽高樓一字羌無題處還見柳枝
柔招影紅闌外小艤輕舟塵世素心誰許訝
妝成花底解佩芳洲甚烟痕瘦削飛韻玉搔頭
問江干酒醒何夕負温磨草草數杯酬空追憶
更無明月卻夢揚州

又

題張東畚大令仿唐六如山水

看巉巖一道瀉春泉中有古苔香傍皺痕溼處
烟分雜樹雨漬疏篁人外除將清籟白石語蒼

涼方信如如悟參透空王
回首歸田吳下歎
零星贖稿冷落荒莊只溪頭濶綠曾照薜蘿裳
恁淋漓墨壺輕灑蕩寒雲尺幅黯瀟湘還知否
如今桃塢盡是斜陽

法曲獻仙音

唐製小忽雷

搗羯思唐洗桐悲蜀小小檀槽如故喚起輕雷
舊聲堪憶蒼涼苑花宮樹有九百年來事兩絃
悵誰訴
春何許向梨園聽殘銀甲重奏入兵

騎淮西無數爪雪在天涯儘千金拋與飛絮好
事才人唱旗亭都是新句但寒沙吹舞又對燕
山風雨

憶舊游

癸未六月廿又四日黃霽青太守招同
陳丈石士吳丈蘭雪許青士潘芸閣李
蘭屏蘭卿觀荷淨業湖上先是己卯以
是日舉詩社於此荏苒四年舊侶重來
閒鷗亦喜歌此爲花壽兼爲太守贈也

記開尊看雨策騎尋香一水紅邊淨業湖頭月
有荷花自主邀客年年小樓碧紗籠處題句玉
堂仙喜五馬能來重招勝侶一話詩天依然
曲闌外正鏡淨窺鳧柳暗聞蟬欲喚紅衣舞更
何人銀甲解唱田田暮霞幾回飛去涼煞釣魚
船祇感到西涯誰家小築湖水偏

水調歌頭

題王海邨湖樓秋思圖追和劉芙初太

史韻

湖水渺天際遙憶響泠泠此中宜著詩句寫上
碧雲屏一自紅橋摻袂再向白鷗回首華髮感
星星休道宦游好鄉思逐潮生 酒人疏酒盞
香酒杯停有誰澹妝濃抹絕豔也秋零不記韜
光竹徑頗念飛來峯色小憩冷泉亭涼笛幾聲
噉有鶴下空冥

湖上古今月江上去來潮平生夢常到處小小
木蘭橈映著溪樓螺黛飄著舵樓紅袖香氣共
煙銷煙外寂無語芳草去迢迢 誰扣柵且低

唱更吹簫短篷數聲涼雨鬱悒幾難聊只付尺
縑煙水便是微雲河漢秋影可能招今夕酒邊
話都在赤闌橋

高陽臺

與徐星伯曹玉水兩舍人集葉雨軒太
守齋贈歌者似蘭次兩老原韻

寫影花初評香露晚問誰鏤管生春譜到離騷
湘君定是前身窺簾月去曹騰醉送江潮幾簇
秋星櫟括二劇恁盈盈并入睂梢異樣芳情 枯禪

肯負填詞手但盟心印素證果知因結佩天涯
飛來一片癡雲蘼蕪夢斷楓橋路蕩吳波畫境
非真莫銷魂草草銜杯有箇愁人

百字令

馮柳東同年示重修曝書亭圖卽用竹
垞翁集中曹倦圃畫竹垞圖原韻

舊縑依約記江湖載酒一帆歸泊萬卷丹黃人
去後蝨影飄零誰託軀舫楹敲菱池潦盡怕有
禽聲樂百年斜照埜花重補籬落 堪羨賢令

高懷

謂秀水令呂同年延慶

詞垣繼起

謂柳東

風雨同觴酌

黛色成陰詩意在寫與青油簾幕遠翠能招文

駕亦喜畫裏閒邱壑 帝城春事古藤仍倚闌

角

買陂塘

題研北松江蟹舍圖追和七蕪韻

望吳淞廿年重到半江依舊寒翠斜陽小斷迴
潮上柔櫓聲聲搖曳鎧影裏聽郭索灘頭譜入
冰絃細鄉心喚起笑客饌尖團一詩難換珍重

此佳味 漁歌好到眼江湖滿地幾人堪與同
醉橫雲山下雲橫處相約木蘭舟艤秋美矣指
隔渚團茅不辨誰兄弟持螯未已便香蟻重傾
香齧重搗香外海濤沸

醉命

續蕙

詩船續彙

道光己亥歲余奉諱山居與姚春木毛生甫王
海雨昕夕過從三君選余舊刻詩詞計十存三
定爲十二卷重刻於家其嘉慶己巳以前少作
都不錄自是以後宦游至汴至粵西至甘肅至
陝西至京師又十六年裏所作凡十六卷尙未
得質友點定者姑付手民編目如右

詩船詩續卷一卷二

詩船詞續

驂鸞吟橐

桂勝集

桂勝外集

白舫集

朝天集

詩餘

關中集

肆觀集

藍橋集

北山之什

南山集

鶴在集

丑册賦附

來京集

畿輔輜軒集

咸豐乙卯小春詩舫自記

怡園集

福祿駕鴛鴦集

老舫樂府

右詩二卷始自丙辰春止於辛酉冬 先曾
祖溫利公晚年之作也其樂府一卷昔年刊
以贈人未經列入迨光緒紀元叔祖隨州公
就板之所存者彙爲續錄始編入焉惟自詩
續至白舫集七卷原板燬失未及補刊詩餘
則附於朝天集後故祇得一十二卷今春以
舊本重付剞劂俾成完璧仍另分詩餘爲一
卷合成二十卷而以怡園集以下三種附於
公自編目之後統名之曰續藁仍其舊也

己未冬曾孫爾鼎謹誌